

大清一統志

大清一統志

大

清

一

統

志

五

百

卷

欽定四庫全書提要

大清一統志五百卷

乾隆二十九年奉

敕撰是書初於乾隆八年纂輯成書每省皆先立統部冠以圖表首分野次建置沿革次形勢次職官次戶口次田賦次名宦皆統括一省者也其諸府及直隸州又各立一表所屬諸縣系焉皆首分野次建置沿革次形勢次風俗次城池次學校次戶口次田賦次山川次古蹟次關隘次津梁次堤堰次陵墓次寺觀次名宦次人物次流寓次列女次仙釋次土產分二分二十一門共成三百四十二卷而外藩及朝貢諸國別附錄焉乾隆二十九年天威震疊平定伊犁拓地二萬餘里爲自古輿圖所未紀而府州縣之分併改隸與職官之增減移駐亦多與舊制異同乃

西域愛烏罕霍罕啟齊玉蘇烏爾根齊

畫部滇南整欠景海諸土目咸相繼內附乾隆四十年又討定兩金川
開屯列戍益廣幅員因並載入簡編以昭大同之

盛軌蓋版圖廓於前而蒐羅彌博門目仍其舊而體例加詳一展卷而九州之
砥屬八極之會同皆可得諸指掌間矣昔唐分天下爲十道隴右道本居
第六李吉甫元和郡縣志乃退列爲第十以其地已陷沒吐蕃故也宋之
疆域最狹歐陽志輿地廣記於所不能有者別立化外州之名已爲巧飾
至祝穆方輿勝覽則併淮北亦不及一字矣蓋衰弱之朝土宇日蹙故記
載不得不日減

聖明之世版章日擴故編摩亦不得不日增今志距

詔修舊志之時僅數十載而職方所隸已非舊志所能該

威德遐宣嚮從景附茲其明驗矣虞舜益地之圖僅區九州爲十二又何足與
昭代比隆哉

乾隆二十九年十一月初一日奉

上諭御史曹學閔奏西域新疆請增入一統志並志成後各省添設裁併府廳州縣詳悉續修刊改一摺軍機大臣議復俟方略及西域圖志各書告成再行編輯第念一統志自纂修竣事以來迄今又二十餘載不獨郡邑增汰沿革隨時理宜一一彙訂且其中記載體例徵引詳略亦多未協其尤甚者順天人物門內竟將國朝諸王載入於事理更屬紕繆諸王事蹟自載八旗通志原不得與隸籍京圻者同日而道况八旗大臣等功記太濶者則應見昭忠賢良諸祠其在直省宣猷著績者又

有各省名宦可入今乃援親藩以淆地籍實為擬不於
倫義甚無謂若其他考稽失實與凡掛漏冗複者諒均
在所不免亟應重加纂輯以成全書但前此修志之書
必待移取各省通志而後從事以致曠日持久艱於集
書此時特就已成之書酌加釐覈即新疆幅幘遼瀾而
一切事實又有西域圖志及同文志諸書為之藍本館
臣採撮排撰實為事半功倍可即令方略館按照各條
釐訂纂輯一併纂出稿本悉照續文獻通考例隨繕隨
進候朕裁定所有一切應行規條著軍機大臣詳議具

奏欽此

大清一統志

凡例

一前統志成於乾隆八年厥後輿圖日廓戶口日蕃田賦日殷府廳州縣建置分併及人官物土之盛日著謹確稽部院寺監並各直省來冊詳載以昭

一德同風久道化成之至治其各項冊檔以四十九年送核者為斷

皇上德威洪濛平定準噶爾部回部拓地二萬餘里底定兩金川建廳課績四謁

祖陵六

巡江浙

指授奠海治河事宜歲舉秋獮進哨木蘭倅漢

天章凡有關地理者皆恭載至

勅修各館羣書自

國史外如日下舊聞考熱河志

盛京通志平定準噶爾方畧西域同文志西域圖志平定金川方畧天下輿地全圖記述大備皆前古所未

有並加考証祇登用光冊府

一直省

巡蹕所經均建

行宮而承德府

行殿暨

行圍止頓之所每當秋獮

駐鑿為時較久謹標

行宮一門餘省謹因地界山川所在之處分晰恭載

一木蘭

圍場前志未備茲恭依熱河志分列

築苑四正四隅載於新創承德府卷中

一西域新疆幟幪

大化其肇設之安西州鎮西府迪化州皆督臣所轄宜隸甘省至伊犁之東西路回部自哈密關展至和闐創

撰新疆一門次於直省之後其慕化各藩哈薩克等並撰新疆藩部次於蒙古各藩部之後

一河工海塘事宜謹遵列年

諭旨及督撫河臣奏疏所陳節載於各直省河海條下

一一直省新葺之城池學校並海嶽江河神廟暨諸寺觀之奉

勅建修及

賜名者一一據冊甄載

一一直省新設州縣及改土歸流諸廳縣並因新設之制特輯為卷如歸化綏遠新設六廳今設六廳一卷

隸於山西省其歸化城原駐游牧之土默特仍序於藩部卷中

一一直省名宦人物前志有未備者並確查史傳增入其順天府卷中

國朝諸王及八旗大臣等事蹟已載八旗通志茲不重載其八旗大臣中職任封疆政績懋著者仍載入各

省名宦中至比來物故之文武大臣中有治行彰顯曾經奉

旨褒嘉入祀賢良昭忠祠者俱遵查

國史一併載入

一前明忠烈諸臣於乾隆四十一年奉

旨賜諡其姓名事蹟未入前志者俱照褒忠錄詳查登載

一直省孝順節烈壘年以來奉

旨旌獎均查冊載入每縣以最先一人大書為綱餘以次類注其下

一外藩各部自內札薩克察哈爾至喀爾哈青海西藏諸境並詳核其山水形勢之迹至封爵旗分添設
移改并世襲傳次之數均確查理藩院冊籍登紀

一外域朝貢諸國均照禮部冊籍詳考史志諸書甄載

一山川古蹟向有承訛襲謬習傳不察者疊經

皇上睿論指正審辨訛舛茲恭遵改纂并歷敘舊文加案語聲明於後

一遼金元史中人名地名見於志者均遵新譯改正並注明原作某今譯改等語於各條之下奉天及蒙
古西域等山水地名並照新譯字樣登載

一志內山川次第以東西南北東南東北西南西北為序援引各書俱於每卷首見之條增列著書人姓名
名以便考覽其有前志所載考證未的字句未醕及疎畧者逐一校訂改補以期無缺無漏

Blank manuscript page with vertical columns.

經筵講官太子太保領侍衛內大臣文華殿大學士滿閣提舉兼管吏戶等部事務正白旗滿洲都統步軍統領一等勇和坤等謹

奏為

大清一統志告成奉表恭

進事竊臣等奉

勅重纂

大清一統志告成謹奉

表上

進者伏以

乾璣既曜儀璘定紫府之垣

泰英陳符經緯正丹邱之統

敷福疇而無外九采臚騶

介壽宇以咸中十華賁奏黃輿增廓準計數於星基翠牒駢呈際嘉成於虹玉事超邃古慶洽景員臣等誠

歡誠忭稽首頓首上言竊惟難渾測度祥霄擴九野之躔蹇紀釐區富媪奠八維之軸溯降神於提地蜚

鹿乘雲肇建號以居方馭龍畫楚媧皇立極下契黃純農帝陳樞旁求白阜紀通述職輯九土於羲壇風

后疇庸納萬區於軒籙齊地圖而貢陪華瑄姚墟徠梯几之人權山經而象鑄牧金禹跡述阜苻之子迺

疆殷索肇域凝尊亦越姬宗形方展東郡標卅六清五服於先秦部析十三革九州於前漢綜東西之典

千幅幘難守於平吳割南北之夷庚僑治無識於自創雙龍佑運十五道括以珠囊夾馬開符廿三路收

諸玉斧尋蹤耶律考度完顏殘山雖峙於臨安啟宇有光於拓跋洎至元之締造省置中書迄洪武之裁

成司存布政中經點勘傳信皇初列志紛綸祛疑柱下至若撫辰正域責鱸篆以觀文遁甲開山註龜鈴

而索隱夏后遺輸班之迹與揭元夷魯公垂職錄之編式登太乙談天鄒衍蹟探瀛量之宏證道劉安哆

訓墜形之博籍黃圖於柞觀要挈鄰侯綉綠字於蘭臺志臚班掾青邱疏域寸方規裴秀之絲赤縣補經尺幅罄江淹之錦謝莊績文之木繩大矩方李該裂素之儀粉川黛岫圖太康之國照錄貞觀之坤元誌戴斗於諸蕃記皇華而四達盧牟郡縣疊經吉甫之箋榮鏡華夷續載賈耽之筆覈乾興之寶典史序沿為篡土訓於祥符劉均屬藁太平寰宇緝方岳而陳函本路諸州筵閏年而納繪旌党家之手鑑宣怙頌縑杼趙氏之心璣遂圖聚米歐忒程績各譜廣輿祝穆王存並詮方域維百家競鳴於唐宋而一統肇志於元明宙合為胚時流示掌儲六輔八都之蹟約以丹藤蒼四蕃十道之繁登之翠檢然而金科失據惜蒙古之絲棼玉策難恢覺朱明之幅編嚴北門而重閉詎識流沙尋西域之遙源終迷積石畧觀勝朝之概足徵盛會之躋從未有仰綜乾維俯包坤絡四七宿經躔之表奉徑結於星畿億萬年荒憬之隙通梯航於日域辨十形而必審謹嚴直紹麟經賦六合而非夸詳洽齊驅馬史紫庭合粹碧簡凝輝如今日者也欽惟

皇帝陛下

蘭檢承禧

蘿圖輯瑞寶鑑燭紫鴻之紀光融不夜重城金鏡宣朱鷺之聲威覺無雷絕域承

天廣運列四岳而宅羲和率

祖祇行纘

五朝而不謨烈蓋我

聖清合元啟泰得一奉宸屯啟雲雷離來日月白山黑水潛龍靖三姓之墟朱果丹禽祕象胡萬年之運城遼

城藩掖

紫極以居尊

天命

天聰建黃樞而繼序舟瑤陟岷函匪康楛夫陳庭鄴宮畢會告

穹疏臯周旅整而有征薄堞尋盟燕民悅而勿取屬以南州失馭西耀沈淵蜚鴻於大澤之替鋌鹿擇中原之音

我

世祖章皇帝膺

昊靈之顧眷洽寬望之翹慤果勇分麾親賢授鉞旗揚黃鳥振修突而廓星都鈞納白狼張長羅而撫霄甸

聖祖仁皇帝仔承

寶命迴軒璇樞欽明考元扈之祥恭壽御翠媯之錄鳳閣宵畫雉三葉之有苞麟旆辰驅龍九嬰之餘厲願碧察

理展芝蓋而觀方念典儲精啟桐軒而論道仰齊魯緯天文考儀象之成倪究埏紘地理紀方輿之畧臚

平陂之形勢鏤銅版而列

皇圖鏡今古之革沿革琅函而規史表猶以謹成別錄未撮全編

特勅儒臣分哀統志羅羣方之記載毫素筆操彙衆力以研摹汗青垂就

世宗憲皇帝救靈八表撫戢九邊和玉燭以調元理金椎而緝化牙旗遠指丹津羅窻雉之量毳帳平移青海享

居鳩之宅柳屯稟令宛聯比黨之驪菁尚歸流儼注圻封之貫欽版章之日聞篇有增多核誦訓之周知

錄遲校上我

皇上重熙襲慶下武繼文百度維貞四隩既宅奏春正於太史粵在八年進輿地於司空是為初藁洪惟

帝暉久照誠民則斂福以敷神緝與謀勑物而稜威必愴

天無私憐八黃全昇于修餘

國有常刑七德首陳於禁越烏蠻黑熱具函

元化以生赤坂紫濛胥在

大君之度浣揀邊庭之厄冀行天吏之權策定準壇績收回部旄牛永靖妖鳥同傾秋河灌螢燭之光春霽荷

龍銜之照正山南之井牧因厥連城逐磧北之芻艾仍其行國春祀芒種晴疏蒲類之泉星牖篝明宵集筠沖之市通流園於溫宿徧鼓洪鑪籌殖穀於康居廣儲高廩翎侯紆綬貴霜懷屬國之儀斗憲量圭布露奉司天之朔領田官於戊校巡控堅昆達駭傳於庚郵邇通宰姐河撈龍輔鋏木筆以騰章號龍蟬封馭汗駒而效款簡隊營而列成輕車強弩之倫析州郡以班符效穀宜禾之屬曹分五戶寧家息瑣尾之虞撥趣千屯計畝唱邊頭之樂斯侯橋門之鼓羅剎吏番夜傳震旦之燈秦蒙嚮慕柔昆彌之別族歸舊部而慶安居興的博之新畬剗危礪而成沃壤五帝未通之國括籍來庭三皇不享之臣簽名扞圍九功九敘丕揚方畧於三編四極四和宜訂神州之全錄監修詳定荷鳳紙之宣綸合類殊題啟豹囊而錯綺體大物博

道昌

頊譽棟通宏寶覆之規紀挺

勲華荃萃苞珍朕之執發凡起例酌具金模比事屬辭忝存藍本四輔環

紫微之座善首

皇都兩京基墨食之祥治先尹正一十八省之外陳職貢者數百區四十九旗而羸備衛蕃者幾千族寄總維

於統部挈領提綱待件繫於諸門分條析縷建師逮長重守土而敘官聯次衛及營因安疆而嚴軍制左榮右拂指圖識申畫之宜斜上旁行置表示革因之次量圓儀之躔舍轄以分星絜大矩之廣輪區而建野嶮夷揆勢衝要審形占感化以觀風就習成而考俗厥田厥賦分疇權三壤之平迺理迺宣記里度八方之至重閩切漢實壙連鐵郭之垠九伊疏濠伊減限金隍之塹我阿藻泮酌解額於春龔鹿洞鷺湖佐傳心於夏校屹萃表目存之勝細列枝峯盤澗勘脈道之通并蒐蔓壑頽贖疊假叅稽覽之圖殘碣零碑都八洽聞之記合縵上路嵩察禦於鳴難問渡通津得砥平於匡竦棲神相寓維馨薦尸祝之誠證道

多門有恤指元空之界棠陰寫帝庭空角雀之謠麥穎舒尤隴播馴翠之績樹都人之望鄉署揚名景儒行之宗門標通德當風握節嘉勳草之長伸愛景循陔誦蓼莪而弗替傳登獨行豈遺道軸之人論著潛夫亦敘繩樞之子畸士寓雪鴻之迹芳躅滋光騷人留雲鶴之蹤餘徽故在心盟苦藥旌節媛於淒悼操凜寒筠謚貞姝於煒管魚符鶴版躋仙籍而共錄七籤寶樹金華超佛乘而偕疏八德掄動植飛潛之種詳隸土毛騰木金水火之華巧呈地寶駢羅節目政有經焉高挹犁耜識其大者王道喻如龍首以賅廣而聽高侯封錯若犬牙必物宜而布利尊

留都而強幹貳卿決五部之曹

訓雄鎮以知方表帥簡八旗之旅倍京營之伍隊荷役嚴訶廣直省之名糧服衲分邏蛻旌犀帶籌筆而贊戎機豹略龍韜升壇而綏寫佃轅依粟未聲震東禺祭列蒲與勢連胡易西垠專閭化融宿海之波北戒擁麾氣泮天山之雪賣劍變力支之俗守始一麾佩刀移勅勒之風州沿獨奏金滿瑤池之境開庠而多士明經茨萁柳谷之間贊府則伊吾司馬四衛拉登其黃茂度輪都護之租六盟長罄其丹忱會萊文閣之幣區雲中之故地設倅分城畝劍外之新田留屯置校樓船下瀨遠控僭厓繡服輜車平臨臺海懋賜居於番舶仍嚴鼇島之稽準通市於薪犁詎比鴻溝之約斗槎專使

紫泥銜藏額之封影國名王黑韓

俞砥鱗之請總師干而專節制督策中樞開幕府而領旬宣撫循分省神困飛輓持漕節以輸場靈瀆宣防莞河隄而真水第監司之華級準本道以結銜部典郡之銀章迺專廳而理事賦綸離於靡鹽星郵歸花縣之鈴考駟壯於斯臧雲錦銜柳邊之殿相與桓之奧宅星叶青林憇

軒昊之密都

日臨黃道喬皇新府會甫草而峪接伊綿翔集諸藩扈周陞而筵呈式榜德網道綱之內會風雨而和陰陽絲聯繩貫之中尉東西而侯南北至若卜祥歲習

大清一統志

奏表

命官展儀視典時巡入壘

咨岳車船彙棹履遂徑而工廠郵表坊庸侯農祥而業劬遡臨原於芮鞠三單仰

燮伐之勳秩神嶽於崇高萬歲迂傳呼之響梵粼粼之白石砥道水平架宛宛之文梁盧溝月曉西湖導派幽燕

練橫海之材

南苑飛淙團鳳溥流泉之利雷雲股引達畿則交匯丁沽淶澤支分覲土而載寧癸趙紅橋格浚導理孫於

溥施玉帶疏流頌平繇於溱涇春波轉運銜舳千般河路宣淤剔鬢八牖迎

登青時惟條微岱畎之同制勝黃樓其又識徐方之藝木龍挑溜陶莊開而迅達雲梯鐵鹿環隄高堰培而長

淳水樞策鏢淮馮之怪靖其東掣西章籌安龍緒之瀾冀以南坍北漲塘排雁翅斲山骨而鞏梅椿坦迓

魚鱗聳盤頭而連竹絡式摹天一峙閤於越角吳根數按魁三發筐於石渠金匱

詣平鄉而景道緇帷探繡紱之書

莅臺麓而延禧香阜得金蓮之瑞天濡露瓊條

橋鼎以升馨秋順霜興

御梁騶而肄武系剪茨於

苑禦陸吾守乎圃時叩張艾於林虞肆師位其表絡三雍創制弦歌遍綿叢之傳萬雉增雄畚揭遠漆沮之

游仍丁錢於舊貫永刪隱口之條緩甲帖於常征疊

沛淪肌之澤彩壇裸柜苔闕既於

種祠馨廡傳芭妥昭靈於

神宇抒

宸襟於景物春秋補助之餘印

睿性於山梁晴雨課量之暇豐規樹典岫岑之